



ქალაქ ფოთის მუნიციპალიტეტის საკრებულო

განკარგულება № 5/25

2021 წლის 13 იანვრი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2021 წლის 30 მარტის პეტიციის (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) შესახებ

ქალაქ ფოთის მუნიციპალიტეტის საკრებულოს 2021 წლის 30 მარტს წარდგინა ელექტრონული პეტიცია ვებგვერდის <http://petition.lsg.ge/poti/> მეშვეობით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119^ე-ე მუხლის მე-12, მე-13, მე-14 პუნქტების შესაბამისად, პეტიციის ტექსტის მოქმედ კანომდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2021 წლის 30 მარტის ელექტრონული პეტიციით მოქალაქეები ითხოვენ:

შესწავლილ იქნას ქალაქ ფოთის მუნიციპალიტეტში, ხობის ქუჩა №22-ში განთავსებული შენობის მდგომარეობა და ბიუჯეტში გათვალისწინებულ (ან ცენტრალურ ხელისუფლებასთან შუამდგომლობით მომიერებული იქნას შესაბამისი სახსრები) იქნას მისი სარემონტო-სარეაბილიტაციოდ საჭირო თანხა, რაც გადაარჩენს შენობას ნგრევისაგან, მისცემს გარკვეულ დატვირთვას მას, გაალამაზებს ქალაქის იერსახეს, საფრთხეს არ შეუქმნის ირგვლივ მაცხოვრებლებს და უბნის თუ ქალაქის ახალგაზრდებს კულტურულ-გასართობი დანიშნულების ადგილი ექნებათ, რომელშიც განთავსდება კინოთეატრი და სხვადასხვა გასართობი თუ საგანმანათლებლო ტიპის სერვისები.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ტ“ ქვეპუნქტის შესაბამისად, მუნიციპალიტეტის საკუთარი უფლებამოსილებაა, მუნიციპალიტეტში კულტურის სფეროს განვითარების ხელშეწყობა და ამ მიზნით შესაბამისი ღონისძიებების განხორციელება; ადგილობრივი მნიშვნელობის კულტურის ძეგლთა მოვლა-შენახვა, რეკონსტრუქცია და რეაბილიტაცია; მუნიციპალიტეტის მართვაში არსებული ბიბლიოთეკების, საკლუბო დაწესებულებების, კინოთეატრების, მუზეუმების, თეატრების, საგამოფენო დარბაზებისა და სპორტულ-გამაჯანსაღებელი ობიექტების ფუნქციონირების უზრუნველყოფა და ახალი ობიექტების მშენებლობა. ზემოხსენებული ნორმის შესაბამისად, მუნიციპალიტეტის საკუთარი უფლებამოსილებაა, როგორც კულტურის ასევე სპორტულ-გამაჯანსაღებელი ობიექტების მშენებლობა და

ფუნქციონირების უზრუნველყოფა. საქართველოს ზოგადი ადმინისტრაციული კოდექსის 96-ე მუხლის პირველი ნაწილის შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოივლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯერების საფუძველზე. ამდენად, შესწავლილ უნდა იქნას ქალაქ ფოთის მუნიციპალიტეტში, ხობის ქუჩა №22-ში განთავსებული შენობის მდგომარეობა, მუნიციპალიტეტის ბიუჯეტში გათვალისწინებულ (ან ცენტრალურ ხელისუფლებასთან შუამდგომლობით მოძიებული იქნას შესაბამისი სახსრები) იქნას მისი სარემონტო-სარეაბილიტაციოდ საჭირო თანხა, საჯარო განხილვებისა და მოსახლეობასთან კონსულტაციის საფუძველზე განისაზღვროს ზემოხსენებული ობიექტის ფუნქციური დანიშნულება.

აღნიშნულიდან გამომდინარე:

მუხლი 1.

1. ქალაქ ფოთის მუნიციპალიტეტის საკრებულოში წარდგენილი 2021 წლის 30 მარტის პეტიცია (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) დაკავშირდეს ნაწილობრივ, კერძოდ: შესწავლილ იქნას ქალაქ ფოთის მუნიციპალიტეტში, ხობის ქუჩა №22-ში განთავსებული შენობის მდგომარეობა, მუნიციპალიტეტის ბიუჯეტში გათვალისწინებულ (ან ცენტრალურ ხელისუფლებასთან შუამდგომლობით მოძიებული იქნას შესაბამისი სახსრები) იქნას მისი სარემონტო-სარეაბილიტაციოდ საჭირო თანხა, საჯარო განხილვებისა და მოსახლეობასთან კონსულტაციის საფუძველზე განისაზღვროს ზემოხსენებული ობიექტის ფუნქციური დანიშნულება.

2. ქალაქ ფოთის მუნიციპალიტეტის მერმა, მერიამ აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

3. ქალაქ ფოთის მუნიციპალიტეტის მერმა (გოჩა კურდღელია) აღნიშნული განკარგულების შესრულებასთან დაკავშირებით გამოყოს პასუხისმგებელი პირი/პირები და პერიოდულად საკრებულოს წარუდგინოს ინფორმაცია გატარებული ღონისძიებების შესახებ.

4. აღნიშნული განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიას, საკრებულოს ქონების მართვისა და ბუნებრივი რესურსების საკითხების კომისიას.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2021 წლის 13 აპრილიდან.

საკრებულოს თავმჯდომარე



ბექა ვაჭარაძე